

中國方志叢書·華北地方·第九〇號

據不著纂石人印姓氏影印

河南省

豫北礦務交涉始末記



成文出版社印行



10107650

中華民國五十七年八月臺一版

豫北礦務交涉始末記

定價：新台幣一六〇元正

發行人：黃 成 助

臺北郵政信箱二二六〇五號

出版者：成 文 出 版 社

臺北郵政信箱二二六〇五號
電話：九二二〇一〇號

印刷者：正 大 印 製 廠

三重市長生街二號之一



版權所有

內政部登記證內版臺業字第一一四七號

豫北礦務交涉始末記目錄

記緣

吳程作俑

豫豐公司與福公司議定河南開礦製造以及轉運各色礦產章程

紅黃定界

會辦交涉洋務局兼總辦河北礦務候補道韓國鈞稟

紅黃界圖

福公司黃界礦地憑單

河南交涉洋務局與福公司會議見煤後辦事專條

汴垣初會

爭販賣權

變本加厲

議結英商福公司礦務交涉草合同

議結英商福公司礦務交涉正合同

福中總公司組織章程

中原股分有限公司章程

中州豫泰明德三公司組織中原公司合同

懷慶府屬開採專章

記緣

靈山無恙惠海汪洋國權淪亡生靈塗炭迫大義而記礦案把筆徘徊不禁淚
泠泠下髮怒衝冠也沿太行一帶人稠地狹救粟不足以活人百萬黔首所賴
為一綫生機者惟茲煤礦耳吳式釗程恩培何物妖魔竟拱手而捧送英商食
肉寢皮甯足盡其罪萬一即本省官紳繼維其後交涉頻經合同三易品分才
疏果結參差功首罪魁自有公論鄙人學識陋陋不敢妄加批判茲惟就聞見
所逮事實昭著者詳誌顛末備後之過懷慶登太行痛斯民之仳離代吾人而
條歎依臨憑吊之餘知罪有攸歸訖無旁貸焉是為緣

吳程作俑

懷屬一帶以煤礦為特產質堅色美無烟無臭且豐富異常隨地可採掘居民
資以為生活者祖若宗相繼也詎意中外商通河山不靈彼蒼蒼者竟產擬鳥
邁獍之吳式釗程恩培弄鬼域之手段作外人之走狗假豫豐公司名目借福
公司債銀一千萬兩與意人羅沙地訂立合同呈豫撫劉樹棠批准立案引虎
入室櫻我寶藏此清光緒二十四年事也爾時官燭正熾民智未開豫人對地
方公務向寡聞問故閱此等重案兩河人士除二三京官稍稍知情外罔不夢
夢是酣一音莫聞比福公司持憑單抵修購地建房架機掘井修沁土著始驚
疑相走告然尚莫知其胡為也漸有三五鄉達耳其開礦來者轉因利害茫然
漠不關心故該公司工開逾五年之久八屬人民曾無一倡異議者噫虎狼入
室歛手漠視追肆爪相矚已自衛莫及矣追懲禍首吳程之肉甯足食耶原合

同附

豫豐公司與福公司議定河南開礦製鐵以及轉運各色礦產章程條列於左

一豫豐公司稟奉河南巡撫批准專辦懷慶左右黃河以北諸山各礦今將批准各事轉請福公司辦理限六十年為期應先由礦師勘定何鄉何山何種礦產繪圖貼說稟請河南巡撫查明果與地方情形無礙一面咨明

總理衙門備案一面發給憑單准其開採礦地勿稍耽延如係民產向業主議明或租或買公平給價如係官產應照該處田則加倍納賦

二豫豐公司稟奉河南巡撫批准自借洋債不得過一千萬兩之數如所派勘礦師以此數不敷於用豫豐公司仍專向福公司續借

三凡調度礦務與開採工程用人理財各事由福公司總董經理豫豐公司總辦會同辦理其出入數簿請由河南巡撫隨時派員稽查

四各處礦廠應用華洋董事各一人洋董管工程華董理交涉一切賬目皆用

洋式銀錢出入洋董經理華董稽核各費敬總以多用華人為是。所有薪水皆由福公司發給。

五 勘驗礦地或應打鑽掘井探視礦苗應先與地主商明踏損田禾酌量賠償。至開礦以後或因礦塌陷損傷民命房產應歸福公司撫恤賠償。若定辦一礦有佔民地必須會同地方官或向地主租用或備價贖買。秉公定價務使兩不受虧。方昭公允。所開礦地無論或租或買但遇有墳墓祠墓必須設法繞越毋得發掘。

六 所辦礦務每年所有礦產按照出井之價值百抽五作為落地稅報効中國。

國家每年結賬盈餘先按用本付官利六釐再提公積一分逐年還本仍隨本減息俟用本還清公積即行停止。此外所餘淨利提二十五分歸中國。

國家餘歸福公司自行分給。以後中國他處有用洋款開採煤鐵礦者應請一

概仿照此章將所有礦產值百抽五納稅以歸劃一再此係商人籌借開辦礦務如有虧折與中國

國家毫不干涉

七公司所開之礦不止一處然各礦出入與所有盈餘各歸各礦清理如或彼虧此盈不得以此礦之盈補彼礦之虧致使

國家應得餘利因之火減

八凡開礦所需料件機器等物進口照開平各礦現行章程完納海關正半稅項內地釐捐概不重徵至岸上礦產運出口時仍照開章納稅

九福公司所開之礦以六十年為限一經限滿福公司所辦各礦無論新舊不問盈虧如何即以全礦機器及該礦所有料件並房產基地河橋鐵路凡係在該礦成本項下置辦之業全行報効中國

國家不求給價屆時由豫豐公司稟請河南巡撫派員驗收

十每處礦廠總以聯絡官民預息紛爭為要應由豫豐公司稟請巡撫酌派照料委員一人又設照料紳士一員由福公司聘請該員紳薪水均由福公司籌備

十一礦師工頭開辦之始自應選用洋人倘日後華入中有精廣學諳習工程者豫豐公司會同福公司派充此項要職至其餘司事照料等職無閑重大責成者皆用華人尤宜多用河南人以開風氣

十二礦丁亦宜多用豫人其工價應從公酌定至礦丁受傷應如何撫卹與使用數十年後應如何酌給養者之費又平日作工每日若干時刻各節統俟開礦後再由豫豐公司會同福公司採擇歐美各礦妥善章程商請巡撫定奪

十三福公司於各礦開辦之始即於礦山就近開設礦務鐵路學堂由地方官紳選取青年穎悟學生二三十名延請洋師教授以備路礦因材選用此項

經費由福公司籌備

十四豫豐公司所借福公司銀一千萬兩係約估之數將來每開一礦實需資本若干由福公司撥用後准福公司按照所用之數造印借款股分票刊刻章程定期發賣如華商於期內願買此種股票者有則無論多寡聽其買取

十五華商收買此項礦務股票應由豫豐公司按照時價漲落照章代為收買或自行買賣均聽其便如華紳富商於六十年限內將某礦股票收至四分之三即將該礦先期收回由豫豐公司查報飾交該華商自行經理

十六凡於所准礦地遇有人民先經開採者不得侵佔如原主自願租賣應由豫豐公司會同福公司秉公給價但不得稍有抑勒

十七各礦遇有修路造橋開濬河港或須添造分支鐵道接至幹路或河口以為轉運該省煤鐵與各種礦產出境者均准福公司稟明河南巡撫自備款

項修理不請公款其支路應訂章程屆時另議凡為以上所准各事其須用民地之處亦照各局已定章程租買不得少佔民地仍求地方官代為保護

十八每至年終或盈或虧各分礦造具清冊應各請華洋公正人一名核算無訛然後刊刻報單送至豫豐公司查核各礦盈虧會造總冊呈請巡撫以憑分咨

總理衙門
戶部查核並將報効

國家各項一併呈繳

十九該礦為中國自主之產將來中國有與別國戰爭之事福公司應聽中國號令不得接濟敵國

二十茲章程華洋文繕具兩分各執為憑

豫豐公司商董吳式到

大清光緒二十四年五月初三日

即西歷一千八百九十八年六月廿一號

福公司羅沙第

紅黃定界

據豫豐公司與福公司原訂合同第一條所稱專辦懷慶左右大河以北諸山各礦云云曠區既茫無限制曠質復漫無標準推其意義不啻東抵黃海西盡葱嶺北括滿州蒙古合金屬非金屬七十二原質網而拱手獻之於外人狼子野心奸狡性成賣國妖奴本不足污吾齒頰猷異豫撫劉樹棠以前清堂堂封疆大吏亦竟混混沌沌冒昧批准曾不為國計民生絲毫計何物禍水厲階靡所底止食肉寢皮寔足罄其罪也我豫京官鄭甫門先生情切桑梓特摺參奏春雷一震黃沁聳起於是夙號開明之韓紫石先生乃得乘時而出運靈敏手腕與福公司一再磋商紅黃二界始克画定（准其現開者為黃界准其于黃界煤盡後呈河南長官驗明另給憑單續開者為紅界）茫茫大海孤舟後援此後交涉乃稍有把握矣

會辦交涉洋務局兼總辦河北礦務候補道韓國鈞稟

大帥麾下敬稟者竊職道前奉憲批以所議礦界東南北各三里西六里既經代理修武縣愛令查勘尚無窒礙自可照准惟西面地段較長究竟人民有無不便之處仰交涉局轉移該道確切查明總期公司與小民兩無藉口日久相安是為至要地圖發還仍令改繪呈閱以憑查考等因由交涉局轉移到局奉此職道於九月十二日前赴哲美森廠與利德切實面商竭三日之力費盡唇舌利德堅執廠西六里為界不可破之界不得已商令將西面田澗一村劃出緣該村距許文正公墓界止五丈許先儒墳墓例禁樵採即使不至侵礙而相距太近亦不足以示尊崇藉此措詞利德始勉強允而仍於西北角外另索一相當之地以補此處所讓之丈尺揆其用心專為表明礦界不再減縮之意職道告以村莊本在劃出之列計田澗村距修武愛令原插正西六里之界不過半里何必兢兢計較再四商略始允照辦明知為地有限不過為得寸則寸

石第...
之計職道材力竭蹶即此一事往復辯論刻已無可再商統計此次改減之東
南北各三里西六里界內村莊本較前為少茲復劃出田澗一村東西半里南
北三里有餘照此立界於民情尚無不便之處職道未敢擅便理合繪具畧圖
並將商辦情形稟請核示祇遵除咨交波局外專此肅稟敬請勛安伏乞垂鑒
計稟呈畧圖一摺

光緒二十九年九月二十三日

福公司黃界礦地憑單

河南巡撫部院陳

為

發給開礦地界憑單事按據福公司呈請遵照光緒二十四年

奏准合同第一條請發憑單以便開辦煤礦並呈經界圖說一幅等情當經本部院查核所議地面太寬隨節詳道與其磋商現已另議黃界飭令地方官查明福公司澤煤盛密廠坐落修武下白作地方其密廠東西一百七十五丈九尺南北三十九丈九尺此次所指礦界自密廠牆外起真正東界至周莊新萬邦地內計三中里正南界至東王褚程邦地內計三中里正北界至閻河母清泉地內計三中里正西界至田澗盧會堂地內計五中里五分西南界至嘉木屯盧來運地內西北界至春林高學書地內東南界至姜河岳天貢地內東北界至崗莊李苟創地內四面裁立界石十處合計面積六十方里零五千六百六十八方丈又四十一方尺除去村莊十處祠廟四座